

beten/ so wird diese Tanne für vnd für in vnserm Herzen grünen/blühen/ fruchtbar vnd frisch seyn / &c.

So viel auff ditzmal.

Daß wir nun diß alles in einem guten vnd feinen Herzen wol behalten/ vnd recht gebrauchen mügen/ Dazu wolle vns verhelffen Gott Vater/ Gott Sohn/ vnd Gott heiliger Geist/ ein hochgelobter Gott von nun an biß in Ewigkeit/ Amen/ Herr Jesu Christe/ Amen.



Anno 1690.  
den 20. Aug.

Die sechszehende Predigt  
des fünfften güldenen A. B. C. der für-  
nehmsten Namen Christi Jesu vnser  
Heilandes.

B. Versühnebock.

T E X T U S.

Levit. 16. v. 5.

**A**ron sol von der Gemeine der Kinder Is-  
rael / zween Ziegenböck nehmen / zum  
Sündopffer. v. 7. Vnd darnach die zween  
Böcke nehmen / vnd für den HERRN stellen/  
für der Thür / der Hütten des Stiffts / vnd sol  
das Los werffen vber zween Böcke / ein Los dem  
HERRN/